



O 16/02/2023 tivo entrada neste centro directivo un escrito da Dirección da Axencia Tributaria de Galicia, da Consellería de Facenda e Administración Pública, no que se solicitaba o informe preceptivo desta dirección xeral en relación cunha proposta de modificación da relación de postos de traballo (en diante RPT) da devandita Axencia.

A proposta de modificación acompañábase da seguinte documentación:

- Memoria funcional
- Memoria económica
- Listado de equivalencias
- Anexo postos amortizados
- Anexo postos creados

Atendendo á solicitude formulada, así como en cumprimento do disposto no artigo 42.7 da Lei 16/2010, do 17 de decembro, de organización e funcionamento da Administración xeral e do sector público autonómico (DOG núm. 251, do 31 de decembro), a Dirección Xeral de Simplificación Administrativa (DXSA) emite o seguinte

INFORME

PRIMEIRO.- As modificacións propostas relativas a postos de traballo de persoal funcionario e laboral da Axencia Tributaria de Galicia (en diante Atriga), están xeradas, por unha parte, polo establecido nos artigos 59 e 60 da lei 7/2022, do 27 de decembro, de medidas fiscais e administrativas e, por outra, polo establecido na *Ley 7/2022, de 8 de abril, de residuos y suelos contaminados para una economía circular*.

A Lei 7/2022, do 27 de decembro, establece a asunción progresiva das funcións de recadación en período executivo por parte da Axencia Tributaria de Galicia, desempeñadas ata o momento polas zonas de recadación reguladas no artigo 46 da Lei 11/1996, do 30 de decembro, de orzamentos xerais da Comunidade Autónoma de Galicia para o ano 1997. Esta asunción producirase a medida que os titulares das zonas se xubilen ou cesen por algunha das causas previstas na súa normativa, e en todo caso, a partir do 1 de xaneiro de 2026.



A Ley 7/2022, de 8 de abril, de residuos y suelos contaminados para una economía circular, crea o imposto sobre o depósito de residuos en vertedoiros, a incineración e a co-incineración de residuos (IDIRES) como tributo cedido do Estado ás Comunidades Autónomas. Este imposto entrou en vigor o 01/01/2023 en toda España e será xestionado, no caso da Comunidade Autónoma de Galicia pola Atriga. A xestión deste imposto levarase a cabo de xeito centralizado e, polo tanto, a atribución de funcións de xestión tributaria sobre el serán asumidas polo Departamento de Tributos de Xestión Centralizada, dependente da Área de Xestión Tributaria.

SEGUNDO.- A proposta de modificación de RPT que se somete ao informe da DXSA, en síntese, consiste no seguinte:

- a) Creación de doce postos de traballo.
- b) Amortización de dous postos de traballo.
- c) Modificación de dous postos de traballo.

TERCEIRO.- As principais cuestións a destacar da proposta que se informa son as seguintes:

- a) Creacións de postos de traballo de persoal funcionario:
 - 1. Creación de catro postos de traballo na Área de Recadación nas dependencias dos servizos centrais da Atriga:

CENTRO DE DESTINO: ÁREA DE RECADACIÓN. AXENCIATRIBUTARIA DE GALICIA								
CÓDIGO DE POSTO	DENOMINACIÓN	GR.	NIV.	F. PRO	CAT./CORPO	ADS. ADMIN	ÁREA FUNCIONAL	LIÑA
FC.A20.00.004.15770.030	Xefatura de Departamento de Recadación Executiva	A1/A2	28	CE	XMF1/XSF1	AXG		390
FC.A20.00.004.15770.035	Xefatura de Equipo	A1/A2	25	C	XMF1/XSF1	AXG		2571
FC.A20.00.004.15770.040	Xefatura Negociado	A2/C1/C2	18	C	XERAL	AXG	TRI	3659
FC.A20.00.004.15770.041	Xefatura Negociado	A2/C1/C2	18	C	XERAL	AXG	TRI	3659





O artigo 59.catro da Lei 7/2022, do 27 de decembro, modificou o número 2 do artigo 25 do Decreto 202/2012, do 18 de outubro, polo que se crea a Atriga e se aproba o seu estatuto e creou o Departamento de Recadación Executiva, adscrito á Área de Inspección Tributaria, co obxecto de concentrar as funcións de recadación de débedas en período executivo e as actuacións derivadas destas. Por conseguinte, cómpre crear os postos necesarios neste Departamento para asumir as competencias e funcións que lle foron asignadas.

Este Departamento estará composto por unha xefatura de Departamento e unha xefatura de Equipo, de adscrición a persoal funcionario das escalas de finanzas, e dúas xefaturas de Negociado de adscrición a persoal funcionario de corpos xerais da Administración xeral da Comunidade Autónoma, con área funcional tributaria.

2. Creación de dous postos de traballo no Departamento de Planificación do Control Tributario adscrito á Área de Inspección Tributaria nas dependencias dos servizos centrais da Atriga:

CENTRO DE DESTINO: ÁREA DE INSPECCIÓN TRIBUTARIA. AXENCIATRIBUTARIA DE GALICIA								
CÓDIGO DE POSTO	DENOMINACIÓN	GR.	NIV.	F. PRO	CAT./CORPO	ADS. ADMIN	ÁREA FUNCIONAL	LIÑA
FC.A20.00.001.15770.018	Xefatura de Equipo	A1/A2	25	C	XMFI/XSF1	AXG		2571
FC.A20.00.001.15770.021	Xefatura Negociado	A2/C1/C2	18	C	XERAL	AXG	TRI	3659

O Departamento de Planificación do Control Tributario pasará a exercer a colaboración coa Área de Recadación para a análise e definición de perfís e indicadores de risco tributario, así como a colaboración na robotización dos procesos. Para atender esta nova atribución competencial é necesario incrementar con dous efectivos a dotación de persoal do Departamento: unha xefatura de Equipo, de adscrición a persoal funcionario das escalas de finanzas e unha xefatura de Negociado, de adscrición a persoal funcionario de corpos xerais da Administración xeral da Comunidade Autónoma, con área funcional tributaria.

3. Creación de tres postos de traballo na Delegación da Atriga en Ourense:





CENTRO DE DESTINO: DELEGACIÓN DE OURENSE

CÓDIGO DE POSTO	DENOMINACIÓN	GR.	NIV.	F. PRO	CAT./CORPO	ADS. ADMIN	ÁREA FUNCIONAL	LIÑA
FC.A29.10.000.32001.166	Xefatura de Equipo	A1/A2	25	C	XMF1/XSF1	AXG		2571
FC.A29.10.000.32001.169	Xefatura Negociado	A2/C1/C2	18	C	XERAL	AXG	TRI	3659
FC.A29.10.000.32001.012	Xefatura Negociado	A2/C1/C2	18	C	XERAL	AXG	TRI	3659

Para desempeñar as novas funcións derivadas da supresión das zonas de recadación é preciso reforzar a Delegación da Atriga en Ourense con tres efectivos, dous para o Departamento de Recadación e un para reforzar as tarefas de notificacións, dependente do/a delegado/a.

En concreto, propónse crear unha xefatura de Equipo, de adscrición a persoal funcionario das escalas de finanzas e dúas xefaturas de Negociado, de adscrición a persoal funcionario de corpos xerais da Administración xeral da Comunidade Autónoma, con área funcional tributaria.

4. Creación dun posto de traballo na Delegación da Atriga en Vigo:

CENTRO DE DESTINO: DELEGACIÓN DE VIGO

CÓDIGO DE POSTO	DENOMINACIÓN	GR.	NIV.	F. PRO	CAT./CORPO	ADS. ADMIN	LIÑA
FC.A29.10.000.36560.169	Subalterno/a	AP	10	C	XERAL	AXG	362

Propónse a creación dun posto base de persoal funcionario da Agrupación profesional derivada da amortización do posto base de persoal laboral mozo/a da Delegación da Atriga en Vigo, que estaba vacante desde o 04/06/2021 en liña coa tendencia de promover os procedementos para a adquisición da condición de persoal funcionario de carreira polo persoal laboral fixo do V Convenio colectivo do persoal laboral da Xunta de Galicia para aquel persoal laboral que realice funcións análogas ás do personal funcionario.

5. Creación de dous postos de traballo na Área de Xestión Tributaria como consecuencia do establecido na *Ley 7/2022, de 8 de abril, de residuos y suelos contaminantes para una economía circular*:





CENTRO DE DESTINO: ÁREA DE XESTIÓN TRIBUTARIA. AXENCIA TRIBUTARIA DE GALICIA								
CÓDIGO DE POSTO	DENOMINACIÓN	GR.	NIV.	F. PRO	CAT./CORPO	ADS. ADMIN	ÁREA FUNCIONAL	LIÑA
FC.A20.00.002.15770.002	Xefatura de Equipo	A1/A2	25	C	XMF1/XSF1	AXG		2571
FC.A20.00.002.15770.004	Xefatura Negociado	A2/C1/C2	18	C	XERAL	AXG	TRI	3659

Créanse estes dous postos para asumir as novas competencias derivadas do IDIRES, en concreto, realizarán funcións asociadas á información e asistencia aos contribuíntes, á comprobación e liquidación tributaria do imposto, ao seguimento e desenvolvemento da súa normativa e a súa interpretación, así como ao deseño, mantemento, seguimento a actualización da información relativa á súa aplicación. A xefatura de Equipo será de adscrición a persoal funcionario das escalas de finanzas e a xefatura de Negociado de adscrición a persoal funcionario de corpos xerais da Administración xeral da Comunidade Autónoma e con área funcional tributaria.

- b) Amortización de dous postos de traballo de persoal funcionario/laboral:

CENTRO DE DESTINO: DELEGACIÓN DA ATRIGA EN OURENSE							
CÓDIGO DE POSTO	DENOMINACIÓN	GR.	NIV.	F. PRO	CAT./CORPO	ADS. ADMIN	LIÑA
FC.A29.10.000.32001.051	Subalterno/a	AP	10	C	XERAL	AXG	362

CENTRO DE DESTINO: DELEGACIÓN DA ATRIGA EN VIGO							
CÓDIGO DE POSTO	DENOMINACIÓN	GR.	NIV.	F. PRO	CAT./CORPO	ADS. ADMIN	LIÑA
FC.A29.10.000.36560.310	Mozo/a	V			12		365

Os postos que se propoñen amortizar están vacantes e non se atopan cubertos por persoal interino ou temporal.

O crédito liberado con estas amortizacións irá destinado a financiar as prazas de nova creación.

- c) Modificación no apartado de observacións de dous postos de traballo:

- Posto Base Subgrupo C2, co código de posto





FC.A20.00.000.15770.031 (centro directivo: Axencia Tributaria de Galicia): elimínase a observación de "ocupado por persoal laboral fixo (DT 11ª da Lei 4/1988 do 26 de maio)", logo da xubilación da persoa que o ocupaba como titular.

- Xefatura Grupo (C1/C2), co código de posto FC.A29.10.000.27001.011 (centro directivo: Delegación da Atriga en Lugo): elimínase a observación de "ocupado laboral fixo", logo da xubilación do persoal laboral que o ocupaba como titular.

CUARTO.- Segundo establece a memoria económica achegada o custe das creacións é de 528.279,61 €, que se financiará parcialmente coa amortización dos dous postos de traballo indicados nesta proposta (48.761,28 €) e cos remanentes de crédito xerados nas anualidades de 2022 e 2023 como consecuencia da xubilación de persoal laboral que ocupaba postos de persoal funcionario, por importe de 357,14 € e 549,63 €, respectivamente.

A aplicación de amortizacións de postos e de remanentes deixa unha necesidade de financiamento de 478.611,56 € que poderá ser financiada co aforro derivado da asunción das competencias das zonas de Recadación.

As restantes modificacións propostas non supoñen custe.

A dita memoria económica deberá de ser obxecto de valoración por parte da Dirección Xeral de Planificación e Orzamentos da Consellería de Facenda e Administración Pública.

Por todo o anterior, a Dirección Xeral de Simplificación Administrativa, **INFORMA FAVORABLEMENTE** o proxecto de modificación da relación de postos de traballo da Axencia Tributaria de Galicia.

Documento datado e asinado dixitalmente na marxe

O director xeral de Simplificación Administrativa

Jesús Oitavén Barcala

DIRECCIÓN DA AXENCIA TRIBUTARIA DE GALICIA. CONSELLERÍA DE
FACENDA E ADMINISTRACIÓN PÚBLICA

